

**PERADUAN NESTLÉ NÍU YEAR**

**TERMA DAN SYARAT**

**Jadual bagi Syarat Penyertaan**

|                                     |  |
|-------------------------------------|--|
| 1. <b><u>Penganjur:</u></b>         | Nestlé Products Sdn. Bhd. [197901000966].  |
| 2. <b><u>Promosi:</u></b>           | PERADUAN NESTLÉ NÍU YEAR.  |
| 3. <b><u>Tempoh Promosi:</u></b>    | Promosi bermula jam 00:00:00 pada 08/01/2021 dan ditutup jam 23:59:59 pada 08/03/2021.   |
| 4. <b><u>Kelayakan:</u></b>         | Promosi ini dibuka kepada semua penduduk Malaysia yang sah dengan dokumen pengenalan yang sah, berumur 18 tahun dan ke atas pada permulaan Tempoh Promosi. Penganjur berhak untuk meminta bukti dokumen pengenalan.  |
| 5. <b><u>Kaedah Penyertaan:</u></b> | <p>a. Untuk menyertai Promosi, beli minima Ringgit Malaysia Lima [RM5] mana-mana produk NESTLÉ Sedia Untuk Diminum yang turut serta ["Produk"] seperti yang ditunjukkan pada risalah Promosi dalam satu resit tunggal dari mana-mana kedai yang turut serta semasa Tempoh Promosi ["Resit"].</p> <p>i. Resit boleh didapati dalam bentuk e-resit untuk pembelian dalam talian, resit bertulis dan/atau resit dicetak dari sistem <i>Point of Sale</i>. Namun, setiap Resit mesti mengandungi nombor resit dan nama dan/atau logo kedai di mana pembelian dibuat.</p> <p>ii. Sekiranya ini tidak tertera, Resit perlu dicap dengan cap rasmi kedai di mana pembelian dibuat.</p> <p>b. <b><u>Eksklusif di TESCO:</u></b> Untuk peserta yang membuat pembelian dari mana-mana kedai TESCO akan juga berpeluang untuk memenangi lebih banyak hadiah.</p> <p>c. Kaedah penyertaan Promosi adalah melalui WhatsApp sahaja. Semua kaedah penyertaan lain termasuk perkhidmatan kurier, atau POS Laju akan dibatalkan. <b>Setiap Resit HANYA layak untuk satu [1] penyertaan melalui WhatsApp.</b> Penganjur berhak membatalkan penyertaan mana-mana penyertaan WhatsApp dengan Resit yang dicetak semula dan/atau Resit yang berulang dan/atau mengandungi lebih daripada satu [1] Resit.</p> <p>d. <b><u>Langkah-langkah penyertaan WhatsApp:</u></b></p> <p>i. Tulis di depan Resit nama penuh anda, nombor pengenalan dan alamat e-mel, jika ada ["Butiran Peribadi"].<br/> <i>Amy Yong Mei Mei</i><br/> <i>950102148584</i><br/> <i>amy.yong8584@gmail.com.my</i></p> <p>ii. Tangkap satu [1] gambar/imej yang <u>jelas dan boleh dibaca</u>, satu [1]</p> |

|   |  |
|---|--|
|   | <p>Resit asal lengkap dengan Butiran Peribadi dan Butiran Resit anda.</p> <p>iii. Hantar satu [1] gambar/imej melalui WhatsApp dari mana-mana nombor yang berdaftar di Malaysia ke <b>018-228 6836</b> ["Penyertaan"].</p> <p>iv. Penganjur AKAN auto-balas dengan menghantar laporan perakuan penerimaan penyertaan untuk setiap Penyertaan yang diterima.</p> <p>e. Penganjur akan MENCETAK semua Penyertaan yang diterima untuk proses selanjutnya. Penyertaan yang tidak jelas, tidak dapat dibaca dan tidak lengkap akan dibatalkan.</p> <p>f. Penganjur berhak untuk meminta Resit asal [salinan cetak] sebagai bukti untuk pengesahan dan penebusan hadiah. Kegagalan untuk mengemukakan salinan cetak Resit apabila diminta akan mengakibatkan pembatalan dan pelucutan hadiah.</p>  |
| <p>6. <b><u>Tarikh Tutup Penyertaan:</u></b></p>            | <p>Semua penyertaan Promosi mesti diterima oleh Penganjur pada atau sebelum jam 23:59:59 pada 08/03/2021. Semua Penyertaan yang diterima di luar Tempoh Promosi yang berkenaan akan dibatalkan secara automatik.</p>   |
| <p>7. <b><u>Hadiah Mingguan:</u></b></p>                    | <p>a. Terdapat dua [2] Hadiah Pertama Mingguan dan tiga puluh [30] Hadiah Kedua Mingguan untuk dimenangi setiap minggu selama lapan [8] minggu berturut-turut.</p> <p>i. Hadiah Pertama Mingguan berupa wang tunai RM2,888 setiap satu.</p> <p>ii. Hadiah Kedua Mingguan berupa wang tunai RM888 setiap satu.</p> <p>b. Terdapat sejumlah enam belas [16] Hadiah Pertama Mingguan dan dua ratus empat puluh [240] Hadiah Kedua Mingguan untuk dimenangi sepanjang Tempoh Promosi.</p> <p>c. Lapan [8] tempoh mingguan adalah seperti di bawah:<br/> Minggu 1: 08/01 – 14/01/2021    Minggu 2: 15/01 – 21/01/2021<br/> Minggu 3: 22/01 – 28/01/2021    Minggu 4: 29/01 – 04/02/2021<br/> Minggu 5: 05/02 – 11/02/2021    Minggu 6: 12/02 – 18/02/2021<br/> Minggu 7: 19/02 – 25/02/2021    Minggu 8: 26/02 – 08/03/2021</p>   |
| <p>8. <b><u>Maklumat Pengadiln Hadiah Mingguan:</u></b></p> | <p>a. Sebagai sebahagian daripada proses pemilihan pemenang, Penganjur akan memperuntukkan nombor bersiri untuk setiap Penyertaan yang diterima dan diluluskan oleh Penganjur untuk menjadi Penyertaan yang berjaya setiap minggu, sepanjang Tempoh Promosi mengikut Resit yang dikemukakan [masing-masing adalah "Penyertaan Layak" dan secara kolektif "Penyertaan Layak"]. Satu set nombor bersiri akan diperuntukkan untuk Penyertaan Layak bermula dari nombor bersiri "1".</p> <p>b. Setiap minggu nombor bersiri yang diperuntukkan kepada setiap Penyertaan Layak akan disusun kira dan dicampurkan untuk mendapatkan jumlah bilangan Penyertaan Layak ["Jumlah Penyertaan Layak Mingguan"]. Andainya Jumlah Penyertaan Layak untuk hari tersebut ialah <b>1155</b>, Penganjur akan mengira dan memilih finalis ["Finalis"] untuk memenangi hadiah-hadiah berdasarkan yang berikut:</p> <p>i. <b>Pemilihan dua [2] Finalis Hadiah Pertama Mingguan: <math>1155 \div 2 = 577.5</math></b>. Oleh sebab pembahagian 1155 dengan 2 akan menghasilkan</p> |

|  |   |
|--|---|
|  | <p>nombor dengan nilai perpuluhan, nombor 577.5 akan dibundarkan ke bawah kepada <b>577</b>. 2 Peserta berikut dengan Penyertaan Layak minggu tersebut yang diberikan nombor bersiri berikut akan dipilih: 577* dan 1154*. [*contoh pengiraan: <b>577</b>, 577+577=<b>1154</b>].</p> <p>ii. <b>Pemilihan tiga puluh [30] Finalis Hadiah Kedua Mingguan: 1155 ÷ 30 = 38.5</b>. Oleh sebab pembahagian 1155 dengan 30 akan menghasilkan nombor dengan nilai perpuluhan, nombor 38.5 akan dibundarkan ke bawah kepada <b>38</b>. 30 Peserta berikut dengan Penyertaan Layak minggu tersebut yang diberikan nombor bersiri berikut akan dipilih: 38*, 76*, 114*, 152, 190, dan seterusnya. [*contoh pengiraan: <b>38</b>, 38+38=<b>76</b>, 76+38=<b>114</b>].</p>   |
| <p><b>9. <u>Hadiah Utama Bulanan:</u></b></p>              | <p>a. Terdapat empat [4] Hadiah Utama Bulanan berupa PROTON X50 1.5T STANDARD untuk dimenangi selama dua [2] bulan berturut-turut.</p> <p>b. Terdapat sejumlah lapan [8] Hadiah Utama Bulanan untuk dimenangi sepanjang Tempoh Promosi.</p> <p>c. Dua [2] tempoh bulanan adalah seperti di bawah:<br/> Bulan 1: 08/01 – 04/02/2021<br/> Bulan 2: 05/02 – 08/03/2021</p>   |
| <p><b>10. <u>Maklumat Pengadilan Hadiah Utama:</u></b></p> | <p>a. Sebagai sebahagian daripada proses pemilihan Pemenang Hadiah Utama Bulanan, SEMUA Penyertaan Layak dikumpulkan dan diproses oleh Penganjur semasa proses pemilihan pemenang mingguan dan sepanjang setiap tempoh Promosi bulanan secara berasingan akan diperuntukkan satu set nombor bersiri bermula dari nombor bersiri "1".</p> <p>b. Setiap bulan nombor bersiri yang diperuntukkan kepada setiap Penyertaan Layak akan disusun kira dan dicampurkan untuk mendapatkan jumlah bilangan Penyertaan Layak ["Jumlah Penyertaan Layak Bulanan"]. Andainya Jumlah Penyertaan Layak Bulanan untuk bulan tersebut ialah <b>18989</b>, Penganjur akan mengira dan memilih finalis ["Finalis"] untuk memenangi hadiah-hadiah berdasarkan yang berikut:</p> <p>i. <b>Pemilihan empat [4] Finalis Hadiah Utama Bulanan: 18989 ÷ 4 = 4747.2</b>. Oleh sebab pembahagian 18989 dengan 4 akan menghasilkan nombor dengan nilai perpuluhan, nombor 4747.2 akan dibundarkan ke bawah kepada 4747. 4 Peserta berikut dengan Penyertaan Layak minggu tersebut yang diberikan nombor bersiri berikut akan dipilih: : 4747*, 9494*, 14241* dan 18988 [*contoh pengiraan: <b>4747</b>, 4747+4747=<b>9494</b>, 9494+4747=<b>14241</b>].</p> |
| <p><b>11. <u>Hadiah Mingguan TESCO:</u></b></p>            | <p>a. Terdapat dua [2] Hadiah Mingguan TESCO berupa sebuah Komputer Riba HP [14s-dq1030tu] untuk dimenangi setiap minggu selama lapan [8] minggu berturut-turut.</p> <p>b. Terdapat sejumlah enam belas [16] Hadiah Mingguan TESCO untuk dimenangi sepanjang Tempoh Promosi.</p> <p>c. Lapan [8] tempoh mingguan adalah seperti di bawah:<br/> Minggu 1: 08/01 – 14/01/2021 Minggu 2: 15/01 – 21/01/2021</p>  |

|   |   |
|---|---|
|   | <p>Minggu 3: 22/01 – 28/01/2021    Minggu 4: 29/01 – 04/02/2021<br/> Minggu 5: 05/02 – 11/02/2021    Minggu 6: 12/02 – 18/02/2021<br/> Minggu 7: 19/02 – 25/02/2021    Minggu 8: 26/02 – 08/03/2021</p>   |
| <p>12. <b><u>Maklumat Pengadilan – Hadiah Mingguan TESCO:</u></b></p> | <p>a. Untuk memilih Finalis setiap minggu, <u>SEMUA Penyertaan Layak dengan resit TESCO</u> dikumpulkan dan diproses oleh Penganjur semasa proses pemilihan pemenang harian dan sepanjang setiap minggu secara berasingan akan diperuntukkan satu set nombor bersiri bermula dari nombor bersiri "1".</p> <p>b. Setiap minggu nombor bersiri yang diperuntukkan kepada <u>Penyertaan Layak dengan resit TESCO</u> akan disusun kira dan dicampurkan untuk mendapatkan jumlah bilangan Penyertaan Layak dengan resit TESCO ["Jumlah Penyertaan Layak TESCO"]. Andainya Jumlah Penyertaan Layak TESCO untuk minggu tersebut ialah <b>177</b>, Penganjur akan mengira dan memilih finalis ["Finalis"] untuk memenangi hadiah-hadiah berdasarkan yang berikut:</p> <ul style="list-style-type: none"> <li>• <b>Pemilihan dua [2] Finalis Hadiah Mingguan TESCO:</b> <math>177 \div 2 = 88.5</math>. Oleh sebab pembahagian 177 dengan 2 akan menghasilkan nombor dengan nilai perpuluhan, nombor 88.5 akan dibundarkan ke bawah kepada 88. Peserta berikut dengan Penyertaan Layak TESCO minggu tersebut yang diberikan nombor bersiri berikut akan dipilih: 88* dan 176* [*contoh pengiraan: <b>88</b>, <math>88+88=176</math>].</li> </ul>  |
| <p>13. <b><u>Terma Tambahan:</u></b></p>                              | <p>a. Penganjur akan menghubungi semua Finalis menerusi nombor hubungan/nombor mudah alih yang diterima oleh Penganjur dalam Penyertaan Layak. Setiap Finalis terpilih akan diberikan satu [1] soalan untuk dijawab. Finalis terpilih perlu menjawab soalan yang dikemukakan oleh Penganjur dengan betul untuk memenangi Hadiah. Penganjur tidak bertanggungjawab sekiranya Finalis terpilih tidak boleh dihubungi atas apa jua sebab.</p> <p>b. Setiap peserta hanya boleh memenangi sepanjang tempoh Promosi:</p> <ol style="list-style-type: none"> <li>i. satu [1] hadiah mingguan dengan nilai tertinggi setiap minggu, [maksima sehingga dua [2] hadiah mingguan];</li> <li>ii. satu [1] Hadiah Utama dan</li> <li>iii. satu [1] Hadiah Mingguan TESCO.</li> </ol> <p>c. Semua hadiah akan dihantar kepada pemenang dalam tempoh 6 – 8 minggu dari 08/03/2021. Penganjur berhak untuk melanjutkan jangka masa yang dinyatakan di bawah klausa ini disebabkan alasan di luar kawalan Penganjur.</p> <p>d. Semua hadiah yang tidak dituntut selepas tarikh akhir yang ditetapkan oleh Penganjur akan dibatalkan.</p> <p>e. Pihak Penganjur mengekalkan hak untuk menggantikan sebarang hadiah dengan hadiah lain yang sama nilainya sekiranya hadiah asal yang ditawarkan tidak tersedia.</p> <p>f. Pemenang Hadiah Utama juga akan menanggung kos dan perbelanjaan mereka sendiri atas yuran rampaian yang diperlukan untuk mereka menggunakan hadiah; termasuk tetapi tidak terhad kepada bayaran</p> |

|  |  |
|--|--|
|  | <p>pendaftaran, cukai jalan dan insurans.</p> <p>g. Penganjur tidak termasuk tanggungjawabnya dan semua tanggungjawab yang timbul daripada penangguhan, pembatalan, kelewatan atau perubahan atau pengubahsuaian pada Promosi atau hadiah atau disebabkan oleh keadaan lain yang tidak dijangka dan di luar kawalan Penganjur seperti campur tangan pihak pemerintah, kekacauan awam, rusuhan, perang, mogok, tindakan keganasan (termasuk tetapi tidak terhad kepada sebarang tindakan keganasan, permusuhan, kecemasan nasional, atau berlakunya epidemik/pandemik) dan untuk sebarang tindakan atau keingkaran oleh mana-mana pembekal atau vendor pihak ketiga.</p> <p>h. Penganjur tidak akan bertanggungjawab atas kehilangan atau kerosakan yang berlaku pada hadiah semasa proses penghantaran. Sebarang kos tambahan lain (seperti perbelanjaan perjalanan, kos pengangkutan, duti dan cukai) yang terlibat untuk menebus atau mengumpulkan hadiah akan ditanggung oleh pemenang dengan kos mereka sendiri.</p> |
|--|--|

Jadual bagi Syarat Penyertaan ini mesti dibaca bersama dengan Syarat Penyertaan dan Notis Privasi yang boleh didapati di <https://www.dearnestle.com.my/event-and-happening/peraduan-nestle-rtd-niuyear>, secara kolektif dinamakan “**Terma dan Syarat**”, yang akan mengikat semua peserta yang menyertai Promosi ini (selepas ini dirujuk sebagai “Peserta”, “Anda”).

Talian Percuma Khidmat Pengguna: 1800 88 3433

---

## Syarat-syarat Penyertaan

### 1. Pengenalan

- 1.1 Syarat-syarat Penyertaan ini mesti dibaca bersama dengan Jadual Syarat Penyertaan, secara kolektif dinamakan “**Terma dan Syarat**”, yang akan mengikat semua Peserta (dan ibu bapa/penjaga Peserta yang sah, jika Peserta bawah umur) yang menyertai Promosi ini (selepas ini dirujuk sebagai “Peserta”, “Anda”). Jika terdapat sebarang ketidakseragaman antara syarat Penyertaan ini dan Jadual Syarat Penyertaan, Jadual Syarat Penyertaan hendaklah diguna pakai. Setiap terma yang berhuruf besar jika tidak dinyatakan selainnya di dalam ini hendaklah mempunyai maksud yang ditakrifkan untuk terma sedemikian dalam Jadual Syarat Penyertaan. Terma yang ditakrifkan boleh digunakan untuk bentuk mufrad dan jamak mengikut keadaan.
- 1.2 Penganjur berhak mengikut budi bicara mutlaknyanya, tanpa memberi notis terlebih dahulu, dan tanpa menanggung sebarang liabiliti terhadap sesiapa, pada bila-bila masa mengubah Terma dan Syarat termasuk mengubah Tempoh Promosi, membuat

penggantian Hadiah, membatalkan, menamatkan atau menggantung Promosi secara keseluruhan atau sebahagian. Sekiranya terdapat sebarang perubahan kepada Terma dan Syarat, Peserta bersetuju bahawa Penyertaan berterusan mereka dalam Promosi akan menandakan penerimaan mereka terhadap Terma dan Syarat (sebagaimana yang diubah).

- 1.3 Keputusan Penganjur mengenai semua perkara yang berkaitan dengan Promosi termasuk pengadilan dan pemilihan pemenang adalah muktamad, mengikat dan tidak boleh dipertikaikan oleh semua Peserta, dan surat-menyurat atau rayuan tidak akan dilayani.

## **2. Penyertaan Promosi**

- 2.1 Dengan mengemukakan Penyertaan untuk Promosi ini, Peserta dianggap sudah memahami dan bersetuju untuk terikat dengan Terma dan Syarat ini.

- 2.2 Semua kos dan perbelanjaan yang ditanggung dan/atau timbul daripada Penyertaan dalam Promosi, termasuk tanpa terhad kepada caj telekomunikasi, rangkaian, Khidmat Pesanan Ringkas (SMS), pos dan semua caj lain sedemikian dan perbelanjaan sendiri yang mungkin dibelanjakan oleh Peserta semasa atau berhubung dengan Promosi hendaklah ditanggung oleh Peserta.

- 2.4 Bukti penghantaran Penyertaan bukan bukti penerimaan, dan Penganjur tidak boleh dipertanggungjawabkan terhadap sebarang Penyertaan yang lewat, hilang, rosak dan/atau Penyertaan yang tidak diterima. Penganjur tidak bertanggungjawab terhadap sebarang kesilapan, ketinggalan, gangguan, pemotongan, kerosakan, kelewatan, kegagalan operasi atau transmisi, kegagalan talian komunikasi, kecurian atau kemusnahan, capaian tanpa izin, atau perubahan komunikasi pengguna atau ahli, atau sebarang masalah atau gangguan teknikal terhadap sebarang rangkaian atau talian telekomunikasi, sistem komputer dalam talian, pelayan atau penyedia perkhidmatan, peralatan komputer, sistem, perisian, kegagalan e-mel atau penerimaan Penyertaan disebabkan oleh masalah teknikal atau kesesakan lalu lintas di internet.

## **3. Kelayakan**

- 3.1 Jika umur kelayakan Peserta sebagaimana yang dinyatakan dalam Jadual Syarat Penyertaan iaitu di bawah lapan belas (18) tahun, Peserta dikehendaki mendapatkan kebenaran bertulis (dalam bentuk yang ditetapkan oleh Penganjur), daripada ibu bapa/penjaga mereka yang sah sebelum menyertai Promosi dan mengemukakan sebarang maklumat peribadi.

- 3.2 Penganjur boleh meminta Peserta memberikan bukti kelayakan untuk menyertai Promosi termasuk tanpa had, dokumen pengenalan, dan kebenaran bertulis

daripada ibu bapa/penjaga mereka yang sah dalam kes Peserta di bawah umur lapan belas (18) tahun.

#### **4. Tidak layak**

Kumpulan orang di bawah tidak layak untuk menyertai Promosi:

- (a) Kakitangan Penganjur dan syarikat-syarikat dalam kumpulannya dan ahli keluarga terdekat mereka (suami isteri, anak, ibu bapa, adik-beradik, dan suami isteri mereka); dan
- (b) Kakitangan agensi Penganjur yang ada kaitan dengan Promosi dan ahlikeluarga terdekat mereka (suami isteri, anak, ibu bapa, adik-beradik, dan suami isteri mereka).

#### **5. Perlucutan Kelayakan**

5.1 Penyertaan berikut akan disingkirkan:

- (b) Penyertaan yang tidak jelas, tidak lengkap, berulang, salinan, tidak boleh dibaca atau tidak betul; dan/atau
- (b) Penyertaan yang melanggar Terma dan Syarat, mana-mana undang-undang dan/atau peraturan yang berkuat kuasa.

5.2 Selain itu, Penganjur berhak untuk melucutkan kelayakan mana-mana Peserta yang:

- (a) menjejaskan, telah atau cuba menjejaskan perjalanan Promosi dengan pemalsuan, penipuan atau perdayaan; dan/atau
- (b) tidak layak atau tidak dapat mengemukakan bukti kelayakan untuk menyertai Promosi apabila diminta untuk pengesahan Penganjur.

5.3 Sekiranya perlucutan kelayakan berlaku selepas Hadiah diberikan, Penganjur berhak untuk menuntut pemulangan Hadiah atau bayaran nilainya daripada Peserta yang lucut kelayakan.

#### **6. Hadiah**

6.1 Penganjur, ejen, penaja dan wakilnya tidak bertanggungjawab kepada mana-mana Peserta yang gagal mengutip Hadiah menurut ketetapan Tuntutan Hadiah/Tarikh Penghantaran dalam apa keadaan sekalipun. Penganjur berhak menentukan pengurusan Hadiah yang tidak dituntut.

6.2 Hadiah sama sekali tidak boleh dipindah milik, diserahkan hak, ditukar atau ditebus oleh Peserta dalam apa-apa bentuk lain atau cara lain daripada yang ditetapkan oleh Penganjur.

6.3 Sebarang kos tambahan yang tidak dinyatakan secara khusus dalam Jadual Syarat Penyertaan berkaitan Hadiah hendaklah ditanggung oleh Pemenang.

6.4 Semua Hadiah mesti diambil menurut terma dan syarat Penganjur, ejennya, penaja atau pihak ketiga yang menyediakan Hadiah.

(a) **Tiket Acara:**

Penganjur tidak bertanggungjawab terhadap sebarang pembatalan atau penjadualan semula yang boleh menghalang penunaian Hadiah. Tiket hanya boleh digunakan pada tarikh yang dinyatakan pada tiket.

(b) **Hadiah Pelancongan/Percutian:**

Jika pelancongan ditawarkan sebagai Hadiah, penerbangan dan penginapan tertakluk kepada ketersediaan pada masa tempahan. Hadiah mesti diambil menurut tarikh dan destinasi yang ditetapkan oleh Penganjur, ejennya atau penaja. Wang untuk perbelanjaan tambahan, makanan, cukai, pasport yang sah, visa, pengangkutan pergi & balik dari tempat berlepas dan perjalanan tambahan, insurans & semua kos sampingan lain yang tidak dinyatakan secara khusus dalam Jadual Syarat Penyertaan adalah tanggungjawab Pemenang.

6.5 Hadiah diberikan berasaskan “keadaan sedia ada.” Hadiah hendaklah digunakan/diambil atas risiko Peserta sepenuhnya dan Penganjur sama sekali tidak memberi sebarang jaminan mahupun menanggung sebarang liabiliti berhubung dengan Hadiah setakat yang dibenarkan di bawah undang-undang.

6.6 Hadiah hendaklah dituntut sendiri melainkan Penganjur menetapkan cara lain untuk kutipan.

6.7 Jika Peserta bawah umur 18 tahun dan diisytiharkan sebagai pemenang Hadiah, Peserta mesti ditemani oleh ibu bapa/penjaga mereka yang sah sepanjang upacara penyampaian Hadiah.

## **7. Publisiti**

Penganjur boleh menggunakan Penyertaan Peserta termasuk tanpa terhad kepada gambar, lukisan, teks, dan kandungan atau maklumat lain yang dikemukakan untuk tujuan Promosi (secara kolektif dinamakan “Bahan”), dan nama Peserta, dan/atau persamaannya, untuk tujuan pengiklanan, publisiti dan Promosi mana-mana barangan atau perkhidmatan Penganjur, untuk tempoh tidak terhad di seluruh dunia tanpa pampasan, dan dalam mana-mana media. Peserta hendaklah melakukan segala perkara yang perlu untuk tujuan ini jika diminta oleh Penganjur.

## **8. Hak Milik Intelektual**



Peserta bersetuju bahawa semua hak milik intelektual dalam mana-mana kandungan dan/bahan yang dikemukakan, dibuat atau dicipta oleh Peserta berkaitan dengan Promosi dan sebarang hasil kerja terbitan yang timbul daripadanya secara kekal dan tanpa syarat akan menjadi hak, kepunyaan dan milik Penganjur. Penganjur berhak untuk menggunakan dan mengubah suai bahan atau hasil kerja sedemikian dalam apa cara sekalipun yang dianggap sesuai tanpa pampasan kepada Peserta dan Peserta menyetepikan segala haknya ke atas bahan atau hasil kerja sedemikian.

## **9. Indemniti**

Setiap Peserta bersetuju untuk melindungi, melepaskan dan tidak mempertanggungjawabkan Penganjur, syarikat pegangan, anak syarikat atau syarikat berkaitannya sebagaimana ditetapkan dalam Akta Syarikat 2016 ("Kumpulan Nestlé Malaysia"), para pengarah, pegawai, kakitangan, ejen, penaja dan/atau wakilnya daripada sebarang dan segala kerugian, hak, tuntutan, tindakan dan kerosakan (termasuk kerosakan khas, tidak langsung dan lanjutan) yang timbul daripada atau ditanggung akibat Penyertaan Peserta dalam Promosi, penerimaan dan/atau penggunaan mana-mana Hadiah, Penyertaan Peserta dan/atau persamaannya berkaitan dengan Promosi atau pelanggaran Terma dan Syarat,

## **10. Had Liabiliti**

10.1 Penyertaan Peserta dalam Promosi adalah atas risiko Peserta sendiri.

10.2 Penganjur, Kumpulan Nestlé Malaysia, para pengarah, pegawai, kakitangan, ejen, penaja dan/atau wakilnya tidak boleh dipertanggungjawabkan ke atas mana-mana Peserta berhubung dengan sebarang kehilangan atau kerosakan dan sebagainya yang dialami, termasuk tetapi tidak terhad kepada kehilangan secara tidak langsung atau berbangkit, atau bagi kecederaan diri yang dialami atau ditanggung oleh Peserta yang timbul daripada atau berkaitan dengan Penyertaan Peserta dalam Promosi, dan juga penebusan dan/atau penggunaan mana-mana Hadiah yang dimenangi.

## **11. Am**

11.1 Penganjur, ejen, penaja dan/atau wakilnya tidak boleh dipertanggungjawabkan untuk menunaikan mana-mana kewajipan mereka berhubung dengan Promosi dan Terma dan Syarat jika mereka tidak dapat berbuat demikian disebabkan keadaan di luar kawalan mereka dan dalam keadaan sedemikian mereka tidak boleh dipertanggungjawabkan untuk membayar pampasan kepada Peserta dalam apa cara sekalipun.

11.2 Sebarang nama, tanda perdagangan atau logo yang digunakan dan/atau diterbitkan semula dalam mana-mana bahan (termasuk bahan pemasaran dan Promosi)

berhubung dengan Promosi, khususnya yang berkaitan Hadiah, adalah hak milik pemilik masing-masing. Promosi ini dan Penganjur tidak mempunyai pertalian dengan, atau mendapat pengesahan atau tajaan daripada, pemilik berkenaan, melainkan dinyatakan sebaliknya, dan pemilik sedemikian bukan sebahagian daripada syarikat kumpulan Penganjur.

- 11.3 Peserta tidak berhak untuk menyerahkan mana-mana hak atau subkontrak mana-mana the kewajipan yang terkandung di sini. Penganjur berhak untuk menyerahkan atau melesenkan seluruh atau mana-mana bahagian haknya kepada mana-mana pihak ketiga sebagaimana yang boleh ditentukan oleh Penganjur.
- 11.4 Ketaksahan, tindakan yang menyalhi undang-undang atau kegagalan pengutkuasaan mana-mana terma tidak akan menjejaskan atau mempengaruhi kesinambungan pelaksanaan Terma dan Syarat Promosi yang selainnya.
- 11.5 Di mana Terma dan Syarat Promosi disediakan dalam bahasa Bahasa Inggeris dan bahasan lain, sekiranya terdapat sebarang ketidakseragaman antara bahasa Inggeris dan bahasa lain, versi bahasa Inggeris hendaklah diguna pakai dan dikuatkuasakan dalam semua hal.
- 11.6 Terma dan Syarat Peraduan hendaklah diertikan, ditadbir dan ditafsirkan (menurut undang-undang Malaysia).

## **12. Notis Privasi**

- 12.2 Dengan menyertai Promosi, Peserta bersetuju dengan pemprosesan Data Peribadi Peserta oleh Penganjur berdasarkan Notis Privasi di [www.nestle.com.my/info/privay\\_notice](http://www.nestle.com.my/info/privay_notice).
- 12.1 By participating in the Promotion, the Participant agrees to the processing of the Participant's Personal Data by the Organizer in accordance with the Privacy Notice in [www.nestle.com.my/info/privacy\\_notice](http://www.nestle.com.my/info/privacy_notice).